

*Deus unus in essentia nec gignit, nec gignitur, nec procedit.*

*E. Deus unus in essentia non est Deus.*

Hoc Valent. Arrianus contra æternam Christi Deitatem protulit Sophisma. Belarm. l. 2. de Christo c. 7. Resp. est æquivocatio in voce *Deus*, quæ vel ἰσσωδῶς, essentialiter sumitur, pro essentiâ divinâ, quæ tribus personis est communis: vel ὑποστατικῶς personaliter, pro certâ Trinitatis personâ. Meyf. Sophist. proœm. p. 7. seq.

*9. Finitum non est capax infiniti.*

*Humana Christi natura est finita: proprietates divinæ nature sunt infinitæ.*

*E. Humana Christi natura non est capax proprietatum divinæ nature. Et per consequens, proprietates divinæ nature non sunt communicatæ carnî Christi.*

Resp. Est Fallacia *Æquivocationis*. Major non simpliciter est vera, sed duntaxat hoc sensu: finitum non est capax infiniti *Physicè & mathematicè per modum inclusionis*, ita ut finitum includat infinitum. Sic enim

C

in-